



Bentiaraq Ottosen

UPA 2026/42-1

Atassut

29. April 2026

**Kalaallit Nunaanni Namminersorlutik Oqartussanit uuma akuerineqarnissaa pillugu Inatsisartut aalajangiiffigisassaattut siunnersuut: Nunani allamiut pillugit inatsisip allannguutaa pillugu inatsisit assigiinngitsut ilaannik Kalaallit Nunaannut atuutilersitsineq pillugu peqqussummut siunnersuut (Kalaallit Nunaanni najugaqarsinnaanermut suliat suliarineqarnerinut akiliut pillugu malittarisassanik atulersitsineq, sivisunerusumik najugaqarsinnaanermut visumimik atuutilersitsineq, Schengeninformationssystem (SIS)-mik atuineq, killeqarfinnik avasinnerusunik il.il. nakkutilliinerup sunnuteqarluarnissaanik pitsanngorsaaneq siunertaralugu Schengenimut malittarisassanik naammassisaqarneq siunertaralugit, nunamut isertitsisinnaatitaannginneq pillugu aalajangiinnermut aamma nunamiit aallarnissamut piffissaliussat pillugit malittarisassanik allanngineq)**

(Isumaginninnermut, Suliffeqarnermut, Ilaqutariinnut Nunamullu Namminermut Naalackersuisoq)

Nunat allamiut suliarortartut amerligaluttuinnarput, tamanna pisariaqartinneqartoq malugineqarsinnaavoq. Assaat sulisinnaasut tamarmik sulinissaat pingaaruteqarpoq kisiannili pisussaaffigisariaqarparput suliffiit amigaatigisagut pillugit sinaakkutinik sukannersunik inatsiseqarnissarput. Siullertut tamanna eqqaalaarallarpara eqqumaffigisassavut Atassummiit isumaqaratta pingaaruteqarluinnartuummata.

Nunatsinni nunami allamiut suliarortut nunatsinnut tikikkaangata ilisimaneqarneq ajorput inummut paasissutissat pillugit, ilaatigut naamattoorneqarsinnaasarlutik pinerluuteqarsimasut. Ajornanngippallaarnera isumaqarpugut sukannersumik misissuinerlannik suliaqalernissamut pissutissaqartileraatigut, inuiaqatigiimmi kalaaleqatigut illersortariaqaratsigit. Ilisimalluarpagummi Danmarkimi allamiut nunasiniarlutik qinnuteqaraangata misissorluarneqartarnerat, imaluuniit qimaasut ilaasa naalagaaffimmiit anisitaasarnerat. Tamanna sukaterneqarnissaa isumaqarpugut pingaaruteqarluinnartuusoq, nunamimi inuiaqatigiit illersorsinnaanissaat pingaaruteqarmat.

Atassummiit erseqqissarusupparput eqqumaffigeqqullugulu Kalaallit Nunaani najugaqarsinnaanermut suliat suliarineqartartut ilaatigut aporfeqartarnerat. Aporfilersuutit ilaatigut ajornartorsiornermik kinguneqartitsisartoq oqaatigisinnaavarput, soorlu nunani allamiunut suliarortitsiniarluni akuersissuteqartarneq qiviarneqarsinnaasoq. Inatsisit taakkua immikkoortut marluk assortuusinnaasarmata, tamanna qiviarneqarsinnaavoq najugaqarnissamut suliarineqartartut kommunini ilaatigut akuersissuteqarnermik kinguneqartarmata. Tamanna allanngortinnissaa pingaaruteqarpoq pisortat isumagisariaqarmassuk. Inatsisit atuuttut ilaatigut teknikkikkut aaqqitaasariaqarnerat pisussaaffiliivoq isummernissamut tassunga, Naalackersuisut aamma Kommunit imminnut assortuuttumik ingerlatsinnginniassammata.



Schenengimut isumaqatigiissut eqqarsaatigalugu ersarissarnissaanut pingaaruteqarpoq eqqartussallugu EU-p nunat killeqarfiisa iluani Kalaallit Nunaat amerikap avannarliup killeqarfianiippoq, EU-lu killeqarfittut isigivaatigut taamaattumik pitsanngorsaannissarput piunasaqaatigisariaqarparput. Nunat allamiut suliarlorlutik nunatsinnut tikikkaangata piunasaqaatigineqartut naamassineqassappata qulakkiigassagut qaqilerparput, pissutigalugu misissuilluarnissamik aamma inunnik paasissutissanik sukumiisumik misissuisarnissamut periarfissat pitsaanerulerseqqullugit.

Taama oqaaseqarluta Naalakkersuisut aaliangiiffissatut siunnersuutaat taparserparput, Inatsisinut ataatsimiititaliamut innersuullugu inassutigaarput aamma eqqumaffigisassat pillugit oqariartuutigisavut Naalakkersuisunut kaammattuutigaarput eqqumaffigeqqullugit.